



Dem Edlen / Vesten vnd Hochgelehrten  
Valentin Sebitz / vnserm großgünstigen  
Junckherm / 2c.

**D**ieser / Ehrnuester / demselbigen  
seyndt vnser willige Dienst nach vnserm  
geringen Vermögen / jederzeit zuvor / in-  
sonders großgünstiger Junckher / Was  
der weise Heyd Cicero an einē Ort schreibet / daß das  
Lob der Oratorum, welches ein geringen Anfang ge-  
habt / so hoch kommen sey / daß es nun anfangt alt  
zu werden / vnd sich ansehen lasse / als wolte es / wie  
sonst alle andere Sachen / wider fallen vnd zum Vn-  
tergang gerahten / solches mag nicht vnbillich auff  
das Lob der Architectorum, oder deren / so sich der  
Bawekunst beflissen / auch gezogen werden / dann  
es ist bekandt / daß solches Lob einen schlechten vnd  
geringen Anfang gehabt / sintemal man an armfeligen  
schlechten vnd geringen Bawrenhüttlein allgemach in  
dieser Kunst einen Anfang gemacht / vnd also fort an  
zu den Häusern / ja zu festen Schössern vnd Stätten  
(:) ij kom-